

CORONAVIRUS PILLUGU APEQQUTIT

Coronavirus pillugu apeqqutit akissutaallu innuttasunut, neriniartarfinnut, pisiniarfinnut allanullu suliffeqarfinnut nerisassalerisunut

Pisiniarfinni nerisassat pisiarineqarsinnaasut aqqutigalugit coronavirusimik tulillaasoqarsinnaava?

Naamik, coronavirus silaannarmi kusernerit anersaartuutilu aqqutigalugit tuniluuttarpoq. Tunillatsissimasup nappaat nerisassanut ingerlateqqissimappagu, nerisassarlu nerineqarluni taava tunillaasinnaanera annikitsuararsuuvoq. Coronavirus nappaatigineqalissaguni anersaartorfinnut anngussimasussaavoq, naat/erlaviit aqqutiginaqit. Coronavirus avatangiisini sivisungaatsiartumik piusinnaangilaq (illup iluata kissassusaani ullut marluk pingasulluunniit)

Coronavirus pisiniat qamutaatigut kooriisigullu tunillaassuussinnaava?

Ilimanaataa annikitsuararsuuvoq, coronavirus tunillatsissimasumit quersortoqarneratigut tangajortoqarneratigullu silaannakkut kuseriarnertigut tuniluuttarmat. Inuusutisaqarnermut aqutsisoqarfimmiit innersuussutigineqarpoq Peqqinnissamut aqutsisoqarfimmit inassutigineqartut asatsigut eqqiluisarneq, tallinut tangajornerit quersornerillu, kiisalu napparsimanerup sunniutaanik peqartut ingalasiannaat tunillatsinnaveersaarnemi atorneqassasut.

Piffissami matumani iggavinni/neriniartarfinni eqqiaaneq eqqarsaatigalugu peqqissaarnerulissaagut?

Suliffeqarfiit iggavinni nerisassanullu tigooraavinni assigisaannilu eqqiaanermut malitassatik naliginnaasumik ingerlatiinnassavaat. Tunillannartuiaatit naliginnaasut (imigassamik akullit ilanngullugit) coronavirusi unitsittarpaat (inaktiv).

Coronavirusi nerisassatigut tuniluunneq ajorpoq, kisianni inuit akornanni tunillaasinnaaneranut aarlerinartoq pequtaalluni pisariaqarsinnaavoq eqqiaanerup tunillannartuiaanerullu annertunerusumik eqqumaffigineqalernissaa.

Assannut tunillannartuiaatit coronavirusimut iluaqutaappat?

Aap. Assannut tunillannartuiaatit coronavirusimut iluaqutaapput, kisianni eqqaamallugu imermik qaqorsaamillu errortukulanissaq.

Nerisassat nunanit coronaviruseqarfiusuneersut nerisnaavagut (soorlu Italia avannarlermeersunik, Kina-meersunik il.il.)?

Aap, coronavirusi nerisassat poortuutilu aqqutigalugit inunnut tuniluunneq ajorpoq. Nerisassat nunanit eqqorneqartuneersut taama isillutik navianaateqanngillat.

Pineqarput nioqqutissat piareereerlugit suliat, soorlu tomatit sequtsikkat qillertuaniittut, kiisalu nerisassat piareereerlugit suliarineqanngitsut, soorlu naatitat inerititallu nutaat Italiameersut imaluunniit ilupaasiassap naatsiassai (hørfør) Kina-meersut. Aammattaaq coronavirus

unitsinneqartarpoq, nerisassat 70-75 Celsius-imut kissan- neqaraangata minutsit marluk tamassuma missaaniluunniit sivisussusilimmik.

Ilumut coronavirusi imerfinniit peerneqarnissaa qularnanngila maskinamik erruivinni errornikkut?

Aap. Kingunerinermi imeq atorneqartup kissassusaa maskinamik erruivinni minnerpaamik kissasusaa 80 Celsius-imik kissartiguni, coronavirusi unitsinneqartarpoq, taama isilluni imerfiit nerinermilu atortut allat isumannaatsumik atorneqarsinnaalerlutik.

Qanoq sivisutigisumik virusi matut tigummiviini assigisaannilu uumasinnaava?

Paasissutissat qanoq sivisutigisumik coronavirusi avatangiisni uumasinnaaneranut tunngatillugu, massakkuugallartoq paatsuugassaangitsumik ilisimaneqaqqissaanngilaq. Kisianni naliginnaasumik inip kissassusaaniitilluni ullut marluk-pingasut uumasinnaavoq, nillataarnerusumilu sivisunerusumik.

Unitsinneqarneq ajorpoq qeritinneqarnerani. Taamaammat innersuussutigissavarput, Peqqinnissamut aqutsisoqarfimmiit errortornermut tunngatillugu eqqiluiasaarnissamut, tallinut tangajortarnissanut quersortarnissamullu aammalu inunnut nuattunut imaluunniit anersaartuutikkut aserutooqqasunut qanillinginnissaannut innersuussinerit malinneqarnissaat.

Nerisassanik nioqqutilinni suliffeqarfinni sulisorisarpud COVID-19-mik tunillatsissimappat qanoq periuseqassaagut?

Suliffeqarfiup sulisorisaa napparsimalerpat, taassuma sulisup peqqinnissamut aqutsisoqarfiup najoqqutassiai malissavai.

Paasissutissat Danmarkimi Avatangiisinut Nerisaqarnermulu aqutsisoqarfimmeersuupput.

Paasissutissanik amerlanerusunik pissarsigit Nunatsinni Nakorsaaneqarfimmiit ugguuna www.nun.gl

